

扶溝縣志

第叁册

風土 職官 選舉



扶溝縣志卷之七

風土志

知縣王德瑛纂修

記曰修其教不易其俗齊其政不易其宜相風土之變遷而因勢利導此司牧者之責也志風土

風俗

舊志謂議婚必酌門第以倫次爲重喪葬胥助月出資爲社但其俗任俠子弟多游博又謂士風之美其大致有三一不事請託二不相傾害三不凌鄉曲薦紳相與以齒爲序不計爵之崇卑家卽鉅富不畜歌兒義急公賦每先輸爲齊民倡不以子錢規利又謂

扶溝縣志

卷之七

風土

一

導之以善則易入導之以不善則易靡何也氣稟冲和而中無定主有如素絲之易以染也又謂歲入有數斛之饒卽易新穀更饒則軒豁其棟宇更饒置妾媵婚喪致客常數百人問饋儀物急於公賦日逐逐服御飲食期會閒卒歲之需弗計也則俗之美惡可概見矣

歲時風俗雅重元旦前期釀酒屠牲多設餅糲卽靈人亦盡力爲之至期雞鳴櫛盥陳酒脯拜天祀祖先登堂爲長者壽平日謁神祠親識交相賀以後具酒食徵逐無虛日三日爲鬼節拜墓七日賽火神元宵張燈然火樹讌集爲歡十六日戲遊猶劇獅子竹

龍燈簫鼓雜陳歌聲鼎沸士女縱觀登城竟夕不寐

二月二日食炒豆鄉俗多以是日爲吉日作爲諸事初三日文昌閣會生徒畢至

三月三日爲天仙誕辰三里池天仙廟演劇盛會清明插柳培隴土設祭二十八日城隍會香火尤盛

四月八日爲浴佛日入寺禮佛者甚眾

五月朔日里民造瘟船送瘟神於河五日佩艾繫嬰兒以綵縷食角黍飲雄黃酒姻婭以禮物相饋遺謂之追節

六月六日曝書晒衣遇伏日汲水造麩謂之伏麩

扶溝縣志

卷之七

風土

二

七月七日乞巧十五日祭墓多野哭者

八月十五日饋月餅瓜果爲酒肴飛觴玩月

九月九日有登高之例憑城遠望

十月朔日祭先隴剪紙爲冥衣焚之人皆思孝

十一月冬至作餠食祀先慶拜畧如元旦儀

十二月八日煮粟菽雜果爲粥以食名曰臘八粥二十三日祀竈以飴糖二十四日掃舍宇自此日以後民間嫁娶不擇吉逐日皆可用除夕易門神桃符修改歲之儀是夜久坐不眠者謂之守歲

厚風俗告示附

特授扶溝縣正堂加六級紀錄十次王 爲詳切曉諭以厚風俗
事照得本縣莅任茲土前後兩任已五載有餘稔知境內士民淳
樸者多而澆薄之習亦往往不免推原其故非失之因循卽由於
拘泥故一切陋習相沿有自以爲是而不知其非者有明知其非
而不肯卽改者今特開列條款出示曉諭各宜遵照毋違特示

計開

一孝弟之道首宜敦勸本縣於三八放告之期宜講

聖諭廣訓每次必先講首條敦孝弟以重人倫並刊刻多本分給
各義學鄉塾爾等紳士爲齊民之倡父老爲子弟之率各宜勤

扶溝縣志

卷之七

風土

三

加訓誨使之油然發其孝弟之心盡其固有之性毋得視爲虛
文又本縣所刊送文昌孝經註養正編等書勸孝最詳均宜循
誦之而體行之也

一父母在堂兄弟分家儒者尙以爲恥今乃有父子分家者再傳
一代父子又分家則是祖孫父子均已分家甚或子孫爭訟牽
扯祖父出來祖父從而偏袒全不像一家骨肉似此凋風尙何
能與之講求孝弟愚民不以爲怪紳士豈可效尤更宜化勸族
鄰共敦孝義

一本縣聽訟之時見有不讀書之人往往不知其祖父之名甚至

身列膠庠詢以昭穆竊疎亦多茫然爾紳民各有子弟當於童蒙之時卽詳告以祖考名字履歷創業艱難及本族昭穆遠近使之興追遠之心知睦族之義

一律載托故停柩經年不葬者杖八十至親喪不葬必至減福招禍此事報應甚確今扶邑停柩者尙多詳查其由並非挑擇風水只因目前手頭不便不能多費錢文遂致耽延時日不知喪事稱家之有無宜盡哀禮不在觀美若於一切儀文之末必欲變產揭債以圖好看無補於哀戚貽憂於先靈至若念經本非儒者所取演戲更爲律例所禁急宜省悟

一墳墓不可輕遷死者以入土爲安豈容妄行創動乃往往買地之戶見地有墳塚勒令地主遷移方允承買而地主亦卽起塚立契此事最爲忍心害理查平治他人墳墓爲田園者律應杖一百如貪買勒遷及情願遷塚賣地者更當加等治罪爾等毋再作此忍事致罹罪戾

一無子立嗣應繼愛繼只要倫序不失均准承繼卽或獨子承繼兩門彼此情願亦准雙祧况無子之人全靠繼子相依爲命若應繼之人非其所愛強爲立繼何以相安故定例擇賢擇愛聽其自便如勒令承繼者官爲懲治可見立繼全在無子之人自

主不能以應繼相爭乃有無恥之徒圖產棲繼混行爭鬪甚至阻殮阻葬勒索瓜分此等刁風一經到官無不從重處治又有愛繼承了產業又爭令應繼者分承一分或指出一人無後強令一人承繼或自己無後強要人子承繼或爭論出繼者之子孫不准再回本門承繼或爭論本門無後必應出繼者之子孫回來承繼或謂長門無後先儘二門承繼不准三門四門越繼種種皆非情理均當按例懲辦

一子弟讀書宜費本錢扶民諸事都肯費錢獨此一事不肯費錢嘗見有巨富之家延師教子束金不過二三十千再覓外姓子扶溝縣志

卷之七 風土 五

弟兩三人附學方足四五十千如此薄脩豈能延請名師所以文風不盛科甲不興雖有聰明子弟成功不過是一秀才實覺可惜此事最有利息爾等切毋惜費

一男女宜及時婚嫁近見小戶人家尙無年過二旬之女而紳衿門戶女大不嫁者竟多孟子云父母之心人皆有之爲女擇家致令逾時不嫁或兒女婚聘已定只因手頭不便轉遲一二三年此豈父母之心耶若因婚嫁而變產揭債更是大愚之人矣

一男女婚姻只宜男大於女不可女大於男乃有男家冀得健婦女家貪圖財禮遂以十七八歲及二十餘歲之女配於十二三

歲及十五六歲之男婚配失宜往往弄出醜聲甚至興訟人皆有父母之心何不痛愛兒女如此爾等切宜斟酌

一家之興衰其端多起於婦女全賴爲父爲夫者隨事隨時以教之若一味姑息必至上不孝翁姑下不和妯娌甚有女回母家妄說夫家是非兩家生起衅隙爭鬪成訟貽笑鄉鄰爾等何不謹之於始養女者要從少教訓娶妻者當初來防閑慎毋姑息致貽後悔

一鄙俗每多痛愛女兒不知痛愛媳婦男人還好女人犯這病的多讀書人家還好小戶人家犯這病的多童養媳婦年輕只可

扶溝縣志

卷之七

風土

六

隨時教導那堪任意凌虐試思爾疾病喪祭件件都是媳婦的事女兒那能靠得到老爾等紳耆務以此訓導族鄰使皆姑慈婦順不但免得親戚爭吵省得獄訟煩惱且可期家道興旺矣一幼兒夭亡宜卽掩埋使骸肉歸土方爲父母之心乃有一種愚民自己親生子女遇有病殤將其屍骸殘毀拋棄荒郊以充狼犬之腹謂自此可免再來托孕又有頭生兒女病殤必要拋棄不葬謂以後再產者皆得長生此等居心實爲殘忍查律載毀棄子孫死屍者杖八十除飭鄉地查稟拏究爾等宜早自改悔一男女不可無別禮記上說姑姊妹女子子已嫁而返兄弟弗與

同席而坐弗與同器而食同胞兄妹尙且如此何況他人近世鄙俗婦人於其母家不問遠近親疎於其夫之弟姪以及晚親不問年之長幼見面不避談笑無忌更有繼娶者以前妻之母家爲母家作妾者以嫡妻之母家爲母家時常往來不以爲嫌又有新婚婦人姑家姨家乾娘家迎接去住謂之搬親又有一種婦人與無干之親戚習見之街鄰呼喚之僱工奴僕雜處間談毫無顧忌此等雖無淫邪已屬不雅况有醜聲者乎讀書紳衿年長者老不可不以此切誡家人也

一鄉間農人又有每不經心之事如農忙之時閤家赴地工作畱扶溝縣志

卷之七 風土 七

一女守門以及炎暑天氣男眠於街女眠於院往往鬧出事端此等不可不知不可不防也

一地方宜盡春田宜於年前秋後耕起使受雪澤而扶民則但知春耕高糧穀子最少應鋤五遍而扶民則最多三遍麥地豆地皆宜鋤一二遍而扶民則絕不加鋤窪下受水之地每年只種麥子一季若好地則割麥種豆次年種秋最少兩年三收而扶民則好地亦多一年一收地膏工少最爲可惜

一種地全靠糞水糞字下加一水字是必藉水力者須浸泡之日久則其力大而扶民則多積乾糞而之鋪糞雖亦用水澆而其

時也少甚不得力積糞之法莫善於養豬青草溷糞亦須薄糞
力負筐擔簍檢拾雜糞亦佳豆葉穀穢麥糠力爲溷糞

一溝洫宜講古者溝洫之法今多不行不獨扶邑爲然而扶邑地
窪亟宜講明溝洫連年以來本縣督率爾等挑河挑溝水患頗
減爾等卑窪之地仍宜於自家地邊各挑一二尺寬小溝使水
小則有所存受水大則由小溝流入大溝可期水患永除矣
一道路宜修道路泥濘車馬必躓墾田禾地主或橫挖深溝以阻
之而車馬又轉出溝外終難遏止何不將路旁開出溝渠以溝
內之土墊路路高則不存水渠通則可蓄水旣可以減積澇並

扶溝縣志

卷之七

風土

八

可以利行旅本境南西兩官路本屬高坦北東兩官路勢處卑
窪兩後難行經本縣督飭修墊試看兩官路上誰復走入禾田
須知此事本不難行只要各修地界其極低窪者每年只修墊
一尺三年則一律高坦矣各鄉大小路途均宜依照辦理

一扶溝鹹地最多重者祇可煮鹽輕者非不可治粗沙可壓
而扶境無沙挑深數尺或冬牛深耕可翻換好土而扶民惡勞
惟種苜蓿之法最好苜蓿能曬地不怕鹹其苗可食又可牧放
牲畜三四年後改種五穀同於膏壤矣

一積貯不可不講申稔之年總當留下餘糧以裕蓋藏若遇豐收

之年積粟更便以後雖有凶荒可免飢餓萬不可全行出糶到荒年便要受餓嘉慶十八年的光景爾等須刻刻在心又玉蜀秫其穗俗謂之棒去粒之棒磨麩可食於備荒最宜不可不知一天地自然之利莫過於種樹十年之後便可長成直者爲材曲者爲薪何等便宜除每歲添栽路柳爾等宜各於屋角地頭及僻閒處所廣栽樹木以資利益毋得怠惰偷安

一居貨曰賈行貨曰商扶民但知坐賈不知行商如花布油糧各有行戶從不聞有出外貿易之人風氣之厚亦由於此然如農器年貨亦靠外方人販來爾等只知糶糧於數十里之中並不肯販貨於百里之外離家一日便以出門爲難似亦太覺安逸何不少加勤勤

一居家最宜節儉扶民並不講究穿喫並不講究房屋玩器仕宦之後尙且不改儒風風氣何會奢華獨於婚葬弔賀賽會應酬往往愛要好看漸且絀乏至揭西人之債勉強弄臉日久至不可支故有小戶而漸致富厚者何也以其儉也有富厚而忽致貧窮者何也以其奢也爾等皆知此理而一切有若不能自主者此處切宜猛省

一考武比之考文費錢固多然亦何至傾家其中獨無可節省處

乎又富者潤屋何必定要蓋樓樓高壓壞風水且遮太陽歷觀
城鄉房屋有百餘年不拆者高樓往往有二三十年卽拆者雖
勉強支持而蓋樓之後家道無不衰落者此不可不省也
一各鄉村敬神祈福何必定要唱戲會首人等按門勒派逐戶催
收竟如年例一般且每戲一臺賭博盜賊酗酒打架無弊不生
附近人家親來客往畱飯待茶以有用之錢財爭無名之體面
何不大家商議以此項錢文作些好事如修橋修路施棺施藥
掩骼埋屍最好是設倉貯穀畱待荒年省無益之糜費行利濟
之仁心天道好還神必佑之此祈福之正道也

一天旱乞雨總宜許愿作些好事以贖已愆以祈神佑若擡輦降
神得雨後斂錢唱戲豐年尙未可必浪費已多不支况馬不乃
是沒廉恥之人沿街跳舞亂語邪言本近邪術例宜嚴懲本年
夏閒久旱得雨鄉間多議唱戲酬謝馬不經本縣出示禁止爾
等紳士耆老皆謂境內可省得大錢二千餘串並省得多少閒
事可見此事並非爾等所樂爲乃碍於違眾無人肯挺身出而
阻之也嗣後如有此事爾等以官禁諭之則止矣

一敬神燒香只宜在三五里閒或赴縣到城隍廟禮拜何必朝頂
進香遠方跋涉旣受辛苦又費盤川究竟得福不得福並不在

此有損無益何必爲之

一城鄉陋習每逢修廟修路及一切造作工程凡化緣上佈施必欲唱戲並厚待齋公習俗相沿牢不可破殊不知工程未動而捐項先耗其半竭民力而供浪費亦屬有干禁令該首事等當共相勸勉永遠革除

一各地方中必有一二出頭紳士遇有公事由其督辦皆呼之爲首事凡爲首事者公正者多而偏私卑鄙者十百之中亦不無一二其人試思首事爲一方推重之人豈可使他人持議於後爲首事者不但攤派宜公更須爲人排難解紛要使地方中永無爭訟此乃爲首事之道也

扶溝縣志

卷之七

風土

十一

一孤貧宜加意周恤普濟堂額養貧民八十六名本縣又添收一百二十六名爲數不少但境內無告之鰥寡孤獨或有恥食貧糧不肯投報而貧乏實難爲生爾等爲首事者宜畱心體察或催令鄉地報縣或勸其親族收養或別議公項周濟

一義倉宜協力籌辦現奉 藩憲出示義倉規條最爲盡善本縣剴切申諭至再至三迄未聞有辦者試思本村捐穀遇荒仍濟本村何樂不爲以豐年之有餘濟荒年之不足貧者得以救死富者得以安居又何樂不爲是在爾首事等協力籌辦不勝佇

望

一義學宜實心經理前奉 憲飭設立義學本境紳民捐錢至八千餘串本縣酌立義學三十九處 憲意殷殷原爲貧民子弟不能延師教讀所以設出義學使人人都能讀書爾首事等務宜實心經理使愚鈍者可以識字明白道理聰穎者青雲直上其爲功效大矣

一地方牌戶內如有不逞之徒作違條犯法之事例應送官究治豈容私立罰規唱戲了事此等名目各首事等切毋效尤

一演唱夜戲爲害最甚匪徒得以乘機掏摸婦女多被調姦拐逃

扶溝縣志

卷之七

風土

三

更有遠來觀聽者門戶廢弛難免竊盜之虞偶失火燭更有延燒之禍故定例唱演夜戲者爲首之人杖一百枷號一個月不行查稟之地方保甲杖八十爾等鄉保首事各宜永遠遵行毋得故違取咎

一各花戶應納錢糧務須親身赴櫃完納切勿混交糧差代完致被虧挪侵蝕該花戶等貪一時之省便難免日後之牽累各宜凜遵毋忽

一扶民畏法懷刑如窩賭窩娼私宰私鑄以及參賊分贓或容留外來流棍並說賣來歷不明婦女一切犯法之事向來犯者甚

少惟現充已革之鄉保差役往往作此不法爾等畏其兇惡不敢指告殊不知他人可以不言爾爲尊長鄰佑牌頭房主者容忍不報例應同罪此後不可不慎也

一賣買房地總要兩相情願豈可勒賣勒買往往有以自己房地勒賣於親屬及地鄰逼令承買又有親屬地鄰強要承買不准地主賣於他人此等惡習告發到官均宜究懲爾等不可不知

一賣買房地一經立契成交速將糧銀開明過割免致日久漏忘畱爲子孫之累至有地少糧多地盡糧存總宜細加訪查毋得混賴他人或指公中瑩地妄思推卸致起訟端

扶溝縣志

卷之七

風土

三

一遠年紅契地冊其地畝屢經轉賣豈可以之爲憑嗣後業戶地畝當以現執契約開載畝數爲準不得指廢契舊冊妄行爭執希冀翻異反干究處

一房基界址如果修房新佔自當清理退還若係遠年老屋總以現在牆根爲憑蓋目下雖係兄弟分居叔姪異院追思當日此房成自爾祖上一人之手一時隨便修造豈可指爲歷佔欲令拆蓋取直似此非理之爭均屬有干例禁

一有主之間地任人取土年久成坑遂有無知之徒指爲公坑又有廟基居中前後左右俱爲耕種之地此廟基乃地主所捐亦

知者反指爲侵佔廟地往往爭控到官一經審虛卽受責懲此等毫無憑據之事切毋混爭干咎

一賈魯河雙泊河險堤詞訟本縣詳查弊端現定以險堤之下種樹栽葦其灘地寬厰之處不得於水邊種樹栽葦又險堤地畝如富戶買自貧戶之手着落買主墊修倘係富戶寫立空約倒幫錢文諉卸於孤貧無賴之人仍責令原主墊修爾等各宜遵行

一買賣牲畜理應錢畜兩交方爲正辦乃扶邑風氣一經牙行估定價值只交一文馬兒錢卽將牲畜牽去經年累月措不償價

扶溝縣志

卷之七

風土

十四

名曰買畜實則誑騙及至控告到官騙買者雖已科罪被騙者受累已多爾等嗣後切毋大意

一積金會例所不禁但此事易起爭端一會之人最少在七八人以上一會之期最速在三五年以後貧富轉瞬遷移得失互相推諉及至興訟地方官以其非正經戶產錢債不過批中証理處卽令集訊明白准予究追而盤纏之費已多追繳之數無幾此等詞訟呂家潭常有之本縣曾出示飭禁爾等務宜遵照毋再取一時之高興取後日之煩惱

一扶邑向無邪教但防閑不可不嚴設有拜像念經斂錢起會及

行蹤詭秘夜聚曉散或以禍福之言煽惑人者爾等速卽稟究
慎毋墮其術中致干誅戮重罪保甲鄰佑容隱不舉者照律連
坐各宜加慎

一賭博最爲民害耗財源而萌盜賊集游蕩而啟奸邪甚至引誘
良家子弟墮入局中或逼寫地契或勒寫借約蕩產敗家爲害
非淺本縣莅任以來嚴拏究懲並諭飭鄉保凡該管地方內有
開賭者無論知情與不知情俱重責枷號近來此風稍息誠恐
日久玩生合再申諭嚴禁

一私宰耕牛及販賣與人宰殺者例應枷杖再犯者例應充軍地
扶溝縣志
卷之七
風土
五
保鄰佑徇隱者併究人皆有惻隱之心何必嗜此一臠而甘爲
殘忍耶宰者旣受明刑食者難逃冥罰世無有食牛之人必無
宰牛之人故厥罪惟均爾等切宜知戒

一詭寫匿名帖子黏貼通衢許人陰私最爲風俗人心之害故定
例不問事之虛實將黏貼之人絞監候有犯必懲罪無可追况
匿名帖子指人缺陷之處不必皆眞經眾傳揚之餘儼然若實
醜聲自此而著綽號由此而傳受之者恨入骨髓如此傷和氣
必至滅福召殃慧心者自當痛悔

一孀婦貞守風化所關邀旌表之典增鄉里之榮共宜護持期

完貞節豈可逼賣搶賣使節婦被污烈者自盡冤沉九原弱者
勉從恨深五內例載強嫁之人分別服制尊卑自杖至流以及
斬絞法本至嚴願愚者以此爲戒賢者以此戒人

一興販婦女者例應擬流本境河路下通安省往往有將誘拐背
逃之婦女窩匿轉賣及至本家追來控告奸徒聞風遠逸娶主
獨受其累更有嘉慶十八年本境賣至外省之婦女有等無恥
之徒到彼勾引潛回轉行嫁賣一經興訟刑律難逃然此等事
斷難掩鄉地牌甲之耳目倘受賄徇隱不行稟究事發定當併
懲

一圖賴宜禁女子出嫁爲媳果能孝順公婆敬重丈夫公婆豈不
愛惜丈夫豈不喜歡若常聞公婆打罵夫婦反目已不是賢孝
之人遇有病亡這是數由前定即使短見亦是自取之罪乃有
一聞女死母家男婦不問緣由不分曲直總說死得不明打罵
他尊長毀壞他器具裝殮要奢靡埋葬要體面稍不如願便興
詞告狀試問告狀之後誰會得意詐擾太甚反要問罪那及將
就殯埋姻親仍在至若男子輕生屍親圖賴他人此等案情爾
等曾見輕生者誰與抵命圖賴者誰曾得錢各宜警戒毋再效

一扶邑民情淳樸向不好訟然遇命盜案件往往恃其爲失主爲屍親以上控爲臉面好看殊不思批回集訊一經訊虛便要問罪否則亦爲荒業廢時並未得計至於事不干己逞刁許告枷杖軍流罪更難免扶邑現有因刁健充軍遠方遇赦不赦者爾等各宜知戒

一不甚要緊之事往往邀眾赴縣聯名呈瀆其中亦有不願隨同者礙於情面不得不隨殊不知有理之人官自超雪他何庸公保無理兇惡之人官自懲創他何庸公舉且因此拖累案內亦多不便此等陋習急宜改除

扶溝縣志

卷之七

風土

七

一唆訟幫訟謂之訟師必要例案爛熟真能顛倒是非扶邑向無此等有本領之人究其伎倆不過以輕報重希圖聳聽那知一經審虛必要問罪捏告之情形既重所得之罪名亦嚴是欲藉訟師之幫反受訟師之累乃大不合算之事爾等果有冤枉從實控告切不可聽信訟師播弄

一鬪毆宜禁同井共里之人有甚嫌讎卽或一言相激一事忿爭只宜忍耐三分便可從容解悟若彼此相持各圖取勝刀棍木石舉手相加那管致命部位橫行毆打一經失手釀成命案遂至坐監問罪引頸受刑父母妻子不能相顧斬絞抵命屍首分

離到了此時悔之何及各地方中年老之人須當時時提醒使少年子弟毋逞血氣之強免遭喪身之禍

一尋常爭辯亦宜忍讓族鄰中忍得幾句閒話讓得幾椿閒事我本無甚喫虧偏能養我德性不但鄉里皆知敬服亦可使子弟效法而行世世受福無窮此理爾紳士自應悟得更不可以大姓欺小戶以土著欺客人

以上五十四條皆切中扶民之弊本縣每於聽斷詞訟及接見紳耆隨時隨事諄諄以此指諭又節次專條出示曉諭今特逐條詳切開示願我紳耆庶民各加省悟有此弊者不可

扶溝縣志

卷之七

風土

六

不知知之不可不改毋以為迂濶毋視為具文如果實心遵奉風俗益臻淳美本縣有厚望焉

物產

穀之屬小麥

大麥

春麥

小麥別種凡遇旱澇早種不及者以此補之

穀 黍

稷

甚少間有種者

高粱

玉蜀秫

其穗俗謂之棒年久不蛀不腐磨為末可和麩食於備荒宜

脂麻 有白黑紅三種黑者名巨勝即胡麻

黃豆

小者小黃豆微大者四子豆尤大者茶豆

小豆 有赤

白兩種

黑豆

藜豆

豇豆

花豆

豌豆

蘊豆

與麥同種同熟與眉豆不

同種

菽麥

麥草子

可作酒醋可飼牲畜亦有食者

菜子

可作油嫩時可食謂之油菜

蔬之屬白菜

黑白菜

葱

韭

薤

蒜

薑

芥

山藥

金針 百合 乾蘆 秦椒 菠菜 蔓菁菜 蘿蔔有紅白兩種

胡蘿蔔有紅黃兩種 香菊 胡荽 苦蕒菜 芹早 莧菜即銀精菜

馬齒莧 眉豆即本草扁豆有紫白兩種又有羊角豆四季眉豆 刀豆 茄 王瓜

瓠子 壺蘆 蒿苳 生菜 茴香 苜蒿 薺菜 藁菜芽

絲瓜 菜瓜 地瓜 南瓜即倭瓜 紅薯 芋頭 冬瓜 稍瓜

菜豆角 五香菜 苔菜

果之屬杏 桃 李 梨 柿 棗 核桃 棠棣即沙果 羊棗

櫻桃 花紅 蘋婆 蒲萄 石榴 西瓜 甜瓜 蓮實 藕

菱角 荸薺 甘蔗 甘露子生土中形如螺可生啖

扶溝縣志 卷之七 風土 五

木之屬松絕少 柏 檜 楊 柳 槐 榆 椿 樗土人呼為椿其葉水

浸亦可食 桑 楸 桐 棟 柘 阜筴 黃楊 冬青 三川柳

枸杞 枸橘俗謂之鐵黎黎採而乾之名鹿角菜 枸骨又名貓兒刺詩南山有枸 楮 棕

椒 竹有紫白兩種又有羅漢竹高不盈尺 白蠟條

花卉之屬桂 梅 牡丹 芍藥 海棠 鐵角海棠 菊種類甚多

藍菊 葵 蜀葵 馬鞭 地棠 寶相 木香 丁香 梔

子 玫瑰 月季 瑞香 迎春 長春 綉毯 木槿 刺藤

玉蘭 木筆 茶蘼 絳桃 緋桃 絨花即合歡 十姊妹

黃金帶 石榴 海榴 凌霄 紫荊 夾竹桃 紫薇 天竹

芭蕉 朝鮮牡丹 虞美人 萱草即宜 鳳仙 龍鬚 金

錢 石竹 雞冠 秋海棠 玉簪 仙人掌 晚香玉 老來

嬌 紅蓼一名水紅花 蓮 浮蓮開小白花其大如錢 鸞粟 木芙蓉

草之屬茅草 淮草 苜蓿 荻 葦 蘆三者俱可為席 蓬 蒿

萊 葛 藜 書帶草 吉祥草 鳳尾草 文草 翠草 秀

草 狗尾草秀也 稗草 艾 馬蘭 倉耳 野菊 浮萍 水

藻 蘋 孤挺 星星草 苔在水曰石髮曰水衣曰石衣在陸曰綠錢曰土花 在屋曰昔邪在牆

衣 日垣 藥之屬木瓜 荆芥 薄荷 車前子 益母草 金銀花 括

扶溝縣志 卷之七 風土 三

萋 兔絲子 稀莨草 地骨皮 急性子鳳仙子 蟬退 地丁

牽牛 青蒿 蒟蒻 三七 桑白皮 葶麻子 地膚子

薏苡仁 燕麥 篇蓄 紫蘇 茵陳 蘼艾 葶藶 蒺藜

夜明砂 獸之屬牛 馬 騾 驢 豬 羊 犬 猫 兔 獾 狐

狸俗謂之山猫 鼠 臊鼠即黃鼠狼 地老鼠生田野間

禽之屬鵝 鴨 雞 燕 雁二者春秋去來非土產 黃鸝 喜鵲 烏

鴉反哺者鳥不反哺者鴉 斑鳩 瓦雀有通身皆白者 黃雀 銅嘴又名蠟嘴 麻

鶉籠中物紅者佳 鶉鴒 鶉鴒 柳鶯比黃雀尤小 啄木 鵲 鸛 鷓鴣

土鴉 鷺鷥 白鷓 灰鶴 水狗似翠鳥 鵲 鳧俗名水鴨 鴉

水族之屬鯉 鯽 鯽 鯽 鯽形如柳葉 泥鰱 鮎 金魚 鱖黃質黑文

俗呼為黃鱔 鰻 鰻腹白背青俗呼為白鱔 鼈 蝦 海螺 蛤 蚌 蟹 蛙

蝦蟆 水蛭

蟲之屬蠶 蜜蜂 螞蜂 土蜂 蟬 寒蜩 螢 蚊 虻夜出

晝伏其飛無聲俗謂之悄悄 蠅 蠍 蛇 蝻 燈蛾 蟋蟀

又名促織 竈馬生竈間類蟋蟀 蚱蜢屬蝗 蚰子善鳴都中呼為蝸蝸 蜻蜒 蝙蝠

蝴蝶 螳螂 蜩螂 蜘蛛 蟻 蜈蚣 蚰蜒 刺蝟 蠅

扶溝縣志

卷之七

風土

三

虎 蝸牛 紅娘子 樗雞 螻蛄 桑蟲入藥 麥大夫能食麥蟲乾隆

戊寅麥生蟲欲死得此遂甦

貨之屬絲 棉花 紅花 好麻 蒜麻 布 烏綾 蜜 蠟

蕘 鹹 皮硝 靛蓼藍染綠大藍染碧槐藍染青

農桑事宜附

正月嫁樹曬蠶連栽樹栽白蠟條蓐韭耕穀田

二月葺蠶室種瓜瓠種山藥接果木栽蘿蔔芥種子種水蘿蔔

三月種棉花種葛秫栽芋頭種麻子育蠶種藍種茄種粟種稻栽

藕

四月種黍收繭繰絲絮繡收蠶種抽蒜薑薦櫻桃收菜子放白蠟
蟲種芝蔴條桑

五月割麥踹麩收紅花收諸菜子收蒜種各色豆移竹

六月種蕎麥造大麥酒種芹芥芸苔諸菜栽韭

七月砍麻漚麻割早粟黍稷葛秫收白蠟種韭種葱胡荽

八月築場圃割芝蔴摘棉花種麥種豌豆種紅花種苜蓿剝棗

九月割蕎麥收穀種採菊造酒出芋挖山藥挖藕醃冬菜

十月收槐角子窖芋頭葺屋績紡

十一月割蒲葦伐木埋穀種造餉糖浴蠶連

扶溝縣志

卷之七

風土

三

十二月修耒耜畜羊羔造酒醱造糟醃肉

